 Read Message

  Back to: [Inbox](#)

From:

Date: 2004/09/24 Fri PM 03:52:36 CST

To: &lt;views@cab-review.gov.hk&gt;

    Move To: (Choose Folder) 

以下係我對零七零八普選特首及全面直選所有立法會議席的小小見意！

(一) 對二零零七年行政長官產生辦法的修改建議

不應該設立選舉委員會來選舉特首，特首應透過普選產生。

任何香港市民也應享有被選舉權，不應由選舉委員會操控。

香港社會已發展成熟，選民已有充份心理準備，香港特首應由香港六百萬一人一票選出，而非由八百人選出。

(二) 對二零零八年立法會產生辦法的修改建議

- 1) 立法會議席數目
- 2) 分區直接選舉所選出的議席數目
- 3) 功能團體選舉所選出的議席數目
- 4) 立法會功能界別的選民範圍及數目

所有立法會議席應全部直選產生，應該取消功能組別選舉，功能團體選舉所選出的議席數目應全變為直選議席。香港市民積極參與投票，幾百票甚至零票自動當選的荒謬議員應全部取消，應由香港市民幾萬票直選出來的議員全部取代，全部60個議席皆改為直選產生。

大家好！小妹唔係一個了解好多立法局的事的人，但係我覺得呢個社會好好笑囉.....以前我係新聞睇到台灣D議員OR乜乜政府部門人員開會時就打交...我覺得佢地好白痴KA.....因為大家都係想為個社會，想為個國家好之嗎...洗唔洗大打出手先？

睇番家陣既香港...只係一個小小既立法局選舉，就好似攞左好多事出來咁。雖然佢地有係開會時打交，不過就係度數對方既不是！

唔係話邊個係大陸叫雞，就話邊個握政府錢。唔通未選前呢D人握政府就有錯.....上大陸叫雞就咁？只不過各議員都係因為想對方死而自己可以當選先去爆對方咁姐.....咁做法唔知係唔係叫做自私呢？比果d人選上議員咁對個社會有冇幫助先？本人就唔覺得有幫助囉！

人地係上面叫雞關我地咩事...如果佢唔係選議員既，我唸佢係上面比人拉左都有人知啦，係唔係先？家陣係香港唔知有幾多人握政府錢啦.....咁D議員唔搵晒佢地出來???

D議員係果個都幫政府，幫市民，幫香港同幫國家做野係出真心既，我唸個社會風氣同經濟都會好好多囉！

人人都話董生呢樣唔好果樣唔好.....咁大家最覺得邊個做就最好呢？如果果D人覺得自己可以做得好過董生既話，咁叫佢出來做囉，到時又睇下會點？其實我覺得董生已經做得好好kala。其實97金融風暴冇人想，唔係董生做得唔好，而係佢咁

啱一上任就發生金融風暴，令成個經濟唔好，金融風暴唔係董生攞出來WOR...以前英國人睇香港時，係佢地好運事事順利，令人覺得董生一上任就令香港唔好。想問香港市民有冇用心去呢吓一個社會，一個國家係唔係永世會都好好運既呢？有邊個國家係咁好運既你話我知，等我去個度住先得！

我深心覺得如果香港人講少d人既唔好地方，多d幫助吓呢個社會，用關心而唔係八掛既態度去睇成個社會，我唸會好好多囉。

而零七零八普選特首及全面直選所有立法會議席，如果係出於公平既情況吓去選既話，由全面直選又或者普選去選既話，有咩大分別姐！只要選出一位明君就去幫助香港就得啦！


家陣香港選舉既風氣實在令人痛心啦！點解唔係搵對方既好處比市民知，而係搵對方既唔好處令人知呢？好似家陣已經選定出來啦，睇吓呢一屆又點.....睇吓佢地真係可以幫助社會定係得把口囉！

就好似鄭大班咁，佢咁鍾意鬧政府，家陣比佢當選啦，睇吓佢又點幫香港囉！如果佢做唔到，幫唔到香港既話，就唔該佢唔好咁多事。之前又話怕人害傷佢屋企人所以唔係電台開咪，又話果D惡勢力人士唔係黑社會咁簡單，係好似係中國政府既人咁，但佢唔驚家陣又做議員？講一套做一套！呢D人係唔係真係可以幫到香港，以後既日子就睇到kala。

香港人成日都小事化大，如果一人少一句，多D出手幫助，大家齊齊解決，我唸香港經濟又或者任何事都會好D囉！人人都得個講字有咩用係唔係先？

我唔係一個讀得書多既人，我只明白一樣野，就係如果人人都團結，多做事少說話咁就會對個社會更有幫助。

每人都有做錯既地方，錯而能改先係一個好方法。



(編者註：來函於 2005 年 3 月 1 日收到，未能確認來信人是否願意公開姓名。)